

NO SOALAN : 232

**PEMBERITAHUAN PERTANYAAN BUKAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

PERTANYAAN : BUKAN LISAN

**DARIPADA : TUAN LIM LIP ENG
[KEPONG]**

SOALAN NO. 232

Minta **MENTERI PERUMAHAN DAN KERAJAAN TEMPATAN** menyatakan keputusan muktamad penyemakan *incinerator* Taman Beringin Kepong, lokasi tepat loji *incinerator* di Serendah dan sama ada Kementerian merancang melupuskan sisa-sisa pepejal diimport dengan *incinerator*.

JAWAPAN

Yang di-Pertua,

1. Untuk makluman Yang Berhormat, pelaksanaan projek insinerator di Taman Beringin, Kepong masih ditangguhkan bagi mengenal pasti lokasi yang sesuai selaras dengan pengurusan sisa pepejal sedia ada. Lokasi loji insinerator di Serendah juga masih belum dimuktamadkan memandangkan kajian lanjut kesesuaian tapak adalah diperlukan bagi memastikan kesesuaian teknologi yang akan digunapakai, selamat dan terbukti berkesan serta dapat membantu meningkatkan kecekapan pengurusan sisa pepejal di Kuala Lumpur. Pada masa ini, pembinaan fasiliti pengurusan sisa pepejal berkonsepkan *Waste to Energy (WtE)* dicadangkan bagi memastikan semua sisa pepejal yang dijana dirawat terlebih dahulu sebelum dilupuskan ke tapak pelupusan. Perkara ini dapat mengoptimumkan jangka hayat tapak pelupusan sedia ada serta mengurangkan kos pengambilan tanah untuk jangka masa panjang.
2. Untuk makluman Yang Berhormat juga, Kementerian Perumahan dan Kerajaan Tempatan (KPKT) tidak berhasrat untuk menerima sisa pepejal import dan akan memastikan rawatan dan pelupusan sisa pepejal di fasiliti yang disediakan termasuk insinerator hanyalah untuk pengurusan sisa pepejal tempatan sahaja. Selain itu, pengimportan sisa pepejal untuk dirawat di negara ini adalah tidak terkandung dalam dasar Kerajaan bagi pengurusan sisa pepejal.

Sekian, terima kasih.